

Powšitkowne WOZJEWJENJA

njedźelu, 5. decembra 2021

Wusyłanje Božeje mše

Serbskorěčnu Božu mšu móža wěriwi tutu njedźelu, 5. decembra, jako livestream w internete sčehować. Wona přenjesje so w 9 hodź. z Chróšćanskeje cyrkwy. Link na nju je pod www.posol.de a na wosadneje stronje podaty.

Adwentnička dekanatneje młodžiny

Lětuša adwentnička dekanatneje młodžiny budže tutu njedźelu, 5. decembra, w Kullowje. Nyšpor w 14.00 hodź. wobruhi spěwna skupina 1. serbskeje kulturneje brigady. Wopyt nyšpora je jeničce po reguli 3G móžny.

Modlerske hodžiny w Róžeńće

Składnostnje wysokeho swjedženja bjezhrěšneho podjeća Maćerje Božeje srjedu, 8. decembra, su tutu njedźelu, 5. decembra, po dopołdniej Božej mši w Róžeńčanskej hnadownej cyrkwi modlerske hodžiny před wustajenym Najswjećišim. Porjad je sčehowacy: wot 11.30 do 12.00 hodź. za młode swójby z džěćimi; wot 12.00 do 13.00 hodź. mužojo a młodostni a wot 13.00 do 14.00 hodź. žony a młodostni. W 14.00 hodź. je zakončacy nyšpor z eucharistiskim požohnowanjom. Wšitcy su wutrobneje přeprošeni.

Putnikowanje tydzeń pozdžišo

Jedyn z klětušich terminow putnikowanja do Medžugorja je so změnił. Město planowaneho termina wot soboty do soboty, 15. do 22. oktobra, budže jězba tydzeń pozdžišo, potajkim wot 22. do 29. oktobra.

Modlenje w Róžeńće

Na modlenje swjateho róžowca su wěriwi njedźelu, 19. decembra, w 17 hodź. do Róžeńčanskeje hnadowneje cyrkwy přeprošeni. Paćerje bu du so serbsce a němsce spěwać.

Přiležnosť k swjatej spowědži w Róžeńće

sobotu, 11. decembra 17.00 – 18.00 hodź.	farar M. Anders, farar B. Jakubaš, farar dr. M. Kleiner
wutoru, 14. decembra 18.30 – 19.30 hodź.	farar M. Anders, farar T. Dawidowski, farar dr. B. Dittrich
sobotu, 18. decembra 17.00 – 18.00 hodź.	farar M. Anders, farar T. Dawidowski, farar dr. M. Kleiner
wutoru, 21. decembra 18.30 – 19.30 hodź.	farar M. Anders, farar dr. B. Dittrich, kapłan Jens Buliš

Kóždu sobotu je do Božeje mše za lud a kraj, kotraž so we 8 hodź. zahaji, přiležnosť k swjatej spowědži.

Kreatiwna džěłarnička za šulerjow 6. do 8. lětnika

Dekanatne dušepastyrstwo džěći přeprošuje šulerjow 6. do 8. lětnika sobotu, 18. decembra, na kreatiwnu džěłarničku do Don Boskoweho domu we Worklecach. Aktualneje koronoweje situacije dla móža zajimcy wolić, hač wobdžěla so dopołdnja wot 9 do 12 hodž. abo popołdnju wot 13 do 16 hodž. Za zarjadowanje płáci regula 3G. Přizjewjenja su online hač do wutory, 14. decembra, móžne. Link je pod www.posol.de podaty. Městna su wobmjezowane.

Jězba w lěću za šulerjow 5. do 8. lětnika

Dekanatne dušepastyrstwo džěći přeprošuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot póndžele do pjatka, 15. do 19. awgusta 2022. Swójski přinošk na wobdžělnika wučinja 100 eurow. Přizjewjenja přijimaja hač do njedžele, 30. apryla 2022, ale jeničce online. Link na wotpowědnu stronu je pod www.posol.de wozjewjeny.